

TESTO B – B1

Gian pinn skin

Soinante gebortet in a famildja vo laüt boda soin gânt alle pinn skin, 'z khânta gian moi muatar, moi vatar un alle moine prüadar o, i o hân gelirnt palle zo djukhame nidar pa hügl'n pitt moin prettar in di vüaz un sidar viar djar pinne inngeschribet in "Skiteam Altipiani". Zo khödaz djüst miar zo giana pinn skin hattmar gelirnt moi nono, an altar männ ma no guat zo raita azpe a djungar, pitt soinar hilfe hânesen dartânt zo lirna garècht, pezzar baz di sèlln boda hâm gelirnt pittnan djüstn maistro. Gianante zo raita pinn Skiteam hânne gekhennt ândre khindar, alt azpe i, boda lem in ândre lentar o un pitt a drai pinneme gemacht starch tschelle. Pan summar sebaraz bintsche vert, ma balda bidar âheft dar bintar iz sovl bibaraz nia hettatn gelatt. Haür hattz gesnibet gântz palle, 'z iz no gest herbest un di skilift soin khent offegetânt no di earstn tang von bintmânat un asò habar gemak gian pinn skin vil pellar baz vert. Gian pinn skin iz nêtt lai a spòrt, ma 'z helft zo khenna näüge tschelln un zo lirna stian pinn ândarn laüt.